

الحلقة 31 | دور الشباب وعلاقتهم بالسياسيين | ملفات أبو

إسماعيل | الشيخ حازم صلاح أبو إسماعيل

حازم صلاح أبو إسماعيل

بسم الله الرحمن الرحيم. الحمد لله رب العالمين واشهد ان لا اله الا الله وحده لا شريك له واشهد ان سيدنا محمدا عبد الله ورسوله صلى الله عليه وسلم واسأل الله عز وجل ان يجعل العمل كله خالصا لوجهه الكريم - [00:00:00](#)

والا يجعل لاحد سواه فيه شيئا وان يرزقنا صدق النية واخلص العمل اللهم امين ايها الاخوة لولا الخوف من الله عز وجل لولا استشعار المسؤولية بين يدي الله سبحانه وتعالى - [00:00:35](#)

ربما ترك الانسان كثيرا جدا من الامور لا يؤديها ولا يقوم بها ولكن شاءت ارادة الله سبحانه وتعالى ان يكون مما تختبر به ان تجد ما يجعلك تختار اذا كنت صادقا فيما - [00:00:58](#)

جديد او ان الامر اهون من ذلك لذلك فان بلادا كثيرة قد ضاعت ضاعت وكان هذا الضياع بالنسبة لها ضياعا تاريخيا وربما بقيت مائة سنة متين سنة تلتصت سنة اكثر اقل وربما لم تعد ابدا - [00:01:23](#)

لذلك المسألة تكون احيانا مفصل تاريخ مفصل تاريخ والله عز وجل بناء على ان يقوم جيل بما عليه ينصر هذا الجيل او يتخلف النصر الى جيل تال وان تتولوا يستبدل - [00:01:50](#)

قوما غيركم ثم لا يكونوا امثالكم ونحن هنا نتساءل دائما احنا لمن نترك البلد يعني ايه؟ يعني مين اللي يمكن نسيب له البلد ليكون مؤتمنا عليها؟ وليه يا ريت المسألة - [00:02:13](#)

على قد بلد واحدة وانما هي بلاد بلاد وشعوب وامم وارض شاسعة كبيرة جدا كلها سبحان الله تعاني من نفس الاشكالية تعاني من نفس المحنة تعاني من انها في يد غيرها - [00:02:35](#)

وبدلا من انها تقف امام عدوها الذي يحدث انها تلتفت لبعضها وبالعكس ها تسارع في مرضات عدوها وتسارع في الاقتراب من خصومها وفي التحبب الى اعدائها وتكون النتيجة نفوس كالقروض - [00:03:00](#)

الصغيرة الحقيرة القرد لماذا سمى الله بني اسرائيل قردة ليه اشمعنى القرد يعني؟ لان القرد علشان الراجل يعرف يلعبه طول العمر بيعمل تجربة واحدة بس يأتي كلب مثلا يأمره بامر فالكلب لا يؤدي فيذبح الكلب امام القط - [00:03:24](#)

خلاص يظل القرد طوال العمر عبد هذه الواقعة من الخوف ويظل يقول له اقفز يقفز نام ينام لانه ليس امامه الا هذا الخوف. طبعا انا مش عارف النظام الحديث لكن هكذا - [00:03:53](#)

يعني ما كتبه علماء الحيوان في كتبهم واصبحنا نعرفه من قديم لذلك نحن نسأل طب احنا بعد ما تقوم ثورة او ثورات وتهدم النظام السابق نترك البلد بقى لمين؟ مؤتمن عليها لكي يقوم بما يجب عليه - [00:04:11](#)

ونبقى احنا مطمئنين يعني بكل تأكيد في ناس تركت بلادها لمن ضيع هذه البلاد وفيه ناس احسنت ان تختار الطريق فصعدت هذه البلاد للامام وهي اجيال خلوف خلوف يخلف بعضها بعضا - [00:04:37](#)

طيب نحن في اللقاء الماضي تكلمنا قلنا طيب ما تيجوا نفسر البلد فيها مين هل يا ترى من الذي من اللي حاطط هم الرسالة هم قوة هذه البلد هم حريتها هم - [00:05:01](#)

عزتها هم كرامتها هم استقامتها هم عدالتها. ميم وناقشنا فوجدنا انه البسطاء جدا في المجتمع سواء كانوا من الفقراء او من

المرتاحين كلاهما يعني المسألة اهتمامه بشأنه الشخصي والخاص واليومي - 00:05:18

هو ما يشغله اذا تحقق له خلاص. يعني يمكن اذا لقي وظيفة كويسة جدا بدل الوظيفة اللي هو فيها خلاص يشعر ان الدنيا انفتحت عليه والمسألة اصبحت بعد كده لا مشكلة ليس - 00:05:40

مش مضطر انه يتعب في ان هو يعني يحيي امر بلده ولا شيء واتكلمنا عن المخاوف التربصات اللي موجودة من الخارج القوى

العالمية وعايز اقول لكم ان القوى العالمية يهمها انها تربط كل واحد كل واحد في المجتمع - 00:05:53

بالمصلحة اللي هي ماسكاها. يعني انا فاكر زمان كان لما تحصل مشكلة في مصر مثلا الطلبة يعملوا مظاهرة يروحوا يهاجموا شركة امريكية يروحوا يهاجموا شركة اسرائيلية يروحوا مش عارف ايه كده - 00:06:11

لكن بدأوا يربطوا العمال بالشركات دي. فاصبح الشركة الامريكية الفلانية بيشتغل فيها مسلا عشر تلاف عامل فلما الولد يطلع مزاهرة

يرجع لبيت ابوه يقول له يا ابني انت رايح تضرب في الشركة اللي انا باكل عيش منها اللي انت بتتعلم في مرتبها - 00:06:26

فيبتدي الناس مصالحه الشخصية اللي هو يعني هو مش عايز مسلا الاقتصاد اليهودي يسيطر على البلد مش عايز الاقتصاد الاجنبي يسيطر على البلد امبارح كان بيطلع مزاهرة النهاردة ما يقدرش يطلع المزاهرة دي لانه كانه بيضرب في مصلحته الشخصية -

00:06:46

فوجدنا ان ربط الناس بالمصالح وانه القوى العالمية وانه البسطاء سواء فقراء او اغنياء وانه آآ يعني اي حد من اللي عايشين ليسوا

ليس هذا هو همهم ما فيش رجا فيهم لان هم وان كانوا يريدون الخير يحبون الخير - 00:07:05

انما يعني مش فاضيين له ومش مش ناويين يبذلوا جهد فيه فاضل مين يا اخواني؟ فاضل فئة واحدة اللي هي السياسيين وطبعا

الاصل انه السياسيين دول هم دول الجزء من الوطن اللي معد لهذه الوظيفة اللي بيهتم بالامر الكلي للبلد - 00:07:25

الامر العام يعني مثلا مثلا بينشئ حزب لاصلاح الشأن العام بيعمل جمعية لاصلاح الشأن العام متفرغ شوية اما ان هو ماديا مرتاح فهو

متفرغ واما ان هو مستعد انه بدل ما ينزل على القهوة ويروح النادي ويقضي وقت - 00:07:47

وقت الفراغ لأ بيعطي وقته لرسالة اصلاح بلاده وهكذا. فالمفترض ان هؤلاء السياسيين اللي بيبقوا مسلا بيترشحوا للبرلمان نواب ولا

شورى ولا غيره واللي بيخشوا مش عارف بيقوا وزراء واللي في الاحزاب المفترض ان المجموعة دي - 00:08:07

هي المجموعة التي تخصصت وتفرغت لاصلاح البلاد وفعلها فيهم ناس بيبقوا رائعين بيحطوا خطط اجتماعية وخطط اقتصادية

وخطط سياسية وخطط ثقافية وخطط تعليمية بيقدر بقدر المستطاع يصلح احوال البلد هنا السؤال هل يا ترى طيب نترك فعلا البلد

لهؤلاء السياسيين؟ وده الاصل زي ما قلت لكم - 00:08:26

وده اللي بتعمله الدول الاجنبية وده اللي بيبقى الديمقراطيات العريقة وهم يشتغلوا فيه ولا الموضوع ده كمان مش هيوصل انا بارجع

اقول مرة ثانية ده هو ده الاصل. الاصل ان السياسيين دول هم اللي بيعملوا. انا كراجل عادي سواء من البسطاء الفقراء او الاغنياء او -

00:08:55

كل اللي بعمله ان انا الصبح بالبس هدومي وانزل امشي الى اللجنة الانتخابية احط شرطة كده على الاتجاه اللي انا عايزه. تتجمع

مجموع الشرطة تحدد دول يمسكوا الشيء الفلاني. خلاص - 00:09:16

اقعد خمس سنين مطمئن مستقر هادئ انه فيه او حتى مدايق لكن فيه سلطة سياسية تقوم بالدور ده وفيه سلطة اخرى او يعني

جماعة اخرى اللي هي المعارضة بتراقب عليها وفي صحف في مجتمع - 00:09:31

بان انا خرجت مرة واحدة كل خمس سنين مشيت في الشارع رحلت اديت صوتي وخلاص. طبعا يبقى كل اربع سنين كل سنتين كل

ثلاثة انما كل انتخابات فيبقى الناس العادية مش شغلتها انها تهتم بالشأن العام انما دي شغلة من فوضتهم ووكلتهم لمدة سنتين او

ثلاثة او اربعة - 00:09:48

لو الموضوع كده ما كانش حد غلب ليه بقى لانه المسائل تمشي كويس خلاص عندي حكومة وعندي مراقبة او معارضة او متابعة او آآ

صحف واعلام واجهزة رقابية. المجتمع متزن انما اللي حصل - 00:10:09

عملا وفي التاريخ تاريخ اللي هو يعني من عشر سنين ومن ثلاثين سنة ومن خمسين سنة ومن سبعين سنة ومن ان الاحزاب والسياسيين دول ما بيعملوش كده وانما بيتحولوا الى جماعة اسمع بقى الكلمة الفاجعة وهي فاجعة عندي انا وعندك انما برة دي طبيعية - 00:10:27

الى جماعة مصالح يا دي المصيبة انه بيقول لك ان كل ميت الف واحد بيتكونوا يعملوا حزب اسمه الحزب الديمقراطي حزب اسمه الحزب الجمهوري دي جماعة مصالح بترعى نوعية معينة - 00:10:51

من المصالح. وعلشان ترعى المصالح دي بتقنع الشعب بمصالحه. يقولوا له احنا هنعمل لك كذا علشان السياسة تبقى بالشكل ده فيرعوا فتلاقي مسلا ناس مهتمين مثلا يعني باهل البلد الاصليين وناس تانيين مهتمين بالمهاجرين - 00:11:06

فده يعمل سياسات وده سياسات. ناس مهتمين بالاغنياء اكثر. وناس مهتمين بالفقراء اكثر فده يرفع الضرائب بطريقة وده يخفضها بطريقة وده يوسع اشغاله وده يقلل مش عارف ايه ويعمل ايه في البطالة والتأمين الصحي - 00:11:26

اصبحت طيب حلو قوي لكن اللي حاصل في بلادنا احنا بقى بلاد اللي اللي لسه ما ما انشأتش ان المصالح دي بتبقى مصالح اضيق شوية يعني ايه اضيق؟ يعني على قد العشرة خمستاشر واحد الزعماء الموجودين - 00:11:42

وبيتحول كمان ان الاحزاب دي انها تدخل في صراعات ضد بعضها تراعات لدرجة انه انا عايز اقول لكم هذا الكلام انه فيه واحد من الناس عمل ملف وذهب به الى احد الجهات الاسلامية في سنة من السنين الملف ده مليون خزايا مليون - 00:12:00

فضائح لمجموعة كبيرة من السياسيين والاعلاميين وكان هذا الشخص لانه مجروح قرر ان هو يفضحهم واخذ هذا الملف وفعلنا كان ملف فظيع جدا لولا ان زي ما انتم يعني عارفين انه الاسلاميين يتحدثون في مجالسهم الخاصة بانه ليس طريقنا ان احنا نتتبع عورات الاشخاص او الافراد او - 00:12:23

نتتبع الخزايا الشخصية. يعني ده منهج اه اه يشعر فيه المسلم تجاهه بانه حرام. فممكن يبقى ده ضدي. وانا عندي شريط فيديو خاص بممارسة فاضحة اتن له فارى انه شرعا انا استر على هذا - 00:12:48

ما تكلمنيش في الموضوع ده دلوقتي لان مش ده الموضوع انما انا بس بقول لك انه هذا الملف لما تكلم الراجل اللي جاي لك ده تلاقيه كل ما في الامر ان هو كان من المجموعة دي وبعدين المجموعة دي لفظته فاستطاع بشيء ان هو ياخذ هذه الاوراق وعايز - 00:13:08

قربها علشان حد ينشرها وهكذا وهكذا اصبحت المجتمع السياسي البلاد التعبانة اللي خارجة بهذه الصورة. وبرضو نفس الحكاية حصلت في اواخر عهد حسني مبارك ان الصراع اللي حصل بين فريقين من المدنيين من من التيار المدني التيارات الامريكي - 00:13:26

هو الحقيقة صراع فريقين لاتنين تابعين لامريكا ولزلك انا بس اتنين من صبيان المعلم بس مين اللي المعلم يمسه على مين؟ فبقت فيه القوى العالمية يتبعها الرئيس المصري ومعه فصيله سواء هيورث ابنه او غيره. وهناك فصيل اخر يريد ان هو يقفز ليكون هو البديل - 00:13:49

التالي هو اللي جاي مش عايز يستمر البديل. فبقى صراع بين فريقين من صبيان المعلم ولزلك احنا كان بعض الاخوة اللي بيستغربوا يقولوا ازاي فلان وهو معروف انه امريكاني بينازع فلان اللي معروف ان هو امريكاني ازاي - 00:14:17

الاتنين دول بينازعوا بعض وزى ما بقول لك هي نزرية صبيان المعلم وده اللي اتضح حتى في بعض الوثائق او الكلمات اللي افلتت بالصحف الامريكية انه ثبت انه مين كان بيسعى ومين كان بيسعى لاثبات هل يا ترى حسني مبارك عمر سليمان ولا حسني - 00:14:34

جمال مبارك ولا فلان الفلاني الثاني خالص ومجموعته ولى النزاع المدني المدني ولا ايه طبين المعلم وامريكا تختار بقى او القوى العالمية تختار تختار لا انا هخلي ده هو وانا فاكر انه ايضا - 00:14:56

كان هذا الكلام مثلا آ لما لما توفي جمال عبد الناصر وجاء انور السادات حصلت نفس الحكاية. ان انور السادات حاسس ان قوات

الجيش دي مش تبعه وانه قوات الاتحاد الاشتراكي او يعني رجال الاتحاد الاشتراكي مش تبعه انه فبدأ يجيب المغضوب عليهم -

[00:15:14](#)

ويحطهم لدرجة انه في حرب اكتوبر سبحانه الله شيء غريب دخل انه القائد العام للقوات المسلحة ورئيس اركان القوات المسلحة اللي هو نمرة واحد واتنين في القوات المسلحة كانوا اعداء - [00:15:33](#)

تاريخيين لبعض كانوا دايم اعداء خصوم ما يرتاحوش لبعض ضد بعض متضايقين من بعض فاتي باحدهما علشان يحدث التوازن داخل المؤسسة ان مش واحد ويبقى الباقيين الرجالة بتوعه ويبقى الرئيس برة لأ علشان لما الاتنين - [00:15:49](#)
يعني يحصل بينهم الصراع يقوم هو يكتشف بعض الامور وده كان منهج عام ونفس الحكاية الحقيقة عملها جمال عبدالناصر ايضا لما بدأ يؤسس الدولة بعد سنة اتنين وخمسين بقى بعد يعني صراع اتنين وخمسين - [00:16:07](#)

فوجئنا به انه بيخلي المؤسسة العسكرية مسلا موجودة مع عبدالحكيم عامر واللي معه هو بقى في المقابل لما ينشئ التنظيم السياسي اللي هو الشعبي وغيره تلاقي ان هو سواء بقى التنظيم ده كان ساعتها اسمه هيئة التحرير ولا اسمه الاتحاد القومي ولا اسمه الاتحاد الاشتراكي زي ما يكون المهم انه بيعمل عنصر قوة - [00:16:23](#)

هو ثاني من فرق اخرى مختلفة علشان يبقى فيه الثقل الشعبي الثقل العسكري مش الاتنين في اتجاه واحد وانه يبقى هو الراجل اللي ايه بيعمل هذا التوازن داخل المجتمع. ودي كانت نقطة الايه النقطة اللي بيحاول والاعلام وغيره ما كسبهاش - [00:16:45](#)
ما عرفش برضو بيعملها اوي لان المؤسسة العسكرية تغولت عن طريق مجلس الانتاج ومجلس الخدمات يعني موضوع كبير كده طيب انا بقول الكلام ده كله ليه؟ عشان اقول لك انه السياسيين - [00:17:04](#)

السياسيين رئيس حزب كزا ورئيس حزب كزا ورئيس اتجاه كزا ورئيس تيار كزا ورئيس تيار كزا ورئيس جبهة كزا ورئيس جبهة كزا دي مش اتجاهات انت مجرد ان انت تطلقها وخلص تشتغل - [00:17:20](#)
مع انه ده الاصل وناس ان شاء الله يبقوا كويسين وربنا يوفقهم ويعملوا شغل كويس وكل شيء انما انا برضو يهمني ان انا اقول لحضرتك ليه احنا مضطرين نستبعد منهم - [00:17:35](#)

وبرضو زي ما احنا متعودين دايم ومتفقين بالمنطق بالعقل بالبراهين بان احنا نتكلم مع بعض وارفضني قل لي كلامك غلط. اكون مبسوط جدا ما دام بالمنطق اوعى تاخذ كلامي قضية مسلمة - [00:17:50](#)
ابدا انت خده وشف ينفع عكسه ولا لأ واللي بقول لك عليه ده مش هجوم على حد. لانه انا اول واحد الكلام ده يصدق علي انا شخصيا. ويصدق عليك انت شخصيا ويصدق على اي سياسي - [00:18:05](#)

سواء زعيم لتيار اسلامي او تيار آ علماني او تيار مش عارف ايه يعني كله مسألة عامة احنا بناخد ثقافة ليه؟ عشان انا بكلم شباب طابق عايز يبني البلد ويوصل البلد الى النجاة والى الفلاح والى انها تاخذ طريقها مزبوط - [00:18:20](#)
فانا بحاول مع هذا النوع من الشباب بالذات ان انا اقول له ادرس له الوضع اللي موجود في البلد لو عايز ينجح يعمل ايه لان حركة شبابية وفي اقل من سنة اتفرمت وخلصت - [00:18:43](#)

وبعضهم قعد اقل وبعضهم حل نفسه وبعضهم روح بيته. لازم الشباب ده يفهم يتعامل ازاى مع السياسيين فتجد ان رقم واحد انك اولاً مضطر تستبعد من هؤلاء السياسيين نوع كبير جدا عددا - [00:18:58](#)
اللي هو كل واحد بيشتغل بمرتب ده مش سياسي ده مهني يعني ايه بالمرتب يعني مثلا الصحفيين الفضلاء الاجلاء المحترمين وكل حالة لكن ده شغلته يتكلم في السياسة. شغلته يكتب في السياسة. شغلته - [00:19:17](#)

ينشر عن السياسة شغلته يحلل السياسة. شغلته كده بياخذ مرتبه على كده ما تقدرش تعتبر ده هو الاداة الوطنية. اداة الاداء الوطني. الاداء القومي الاداء المصلحي للرسالة خلي بالك انا بجته اتجنب المصطلحات الاسلامية. انا راجل اتكلم عن رسالة الاسلام -

[00:19:35](#)

انما انا باكلمك بالمصطلحات اللي هي تعتبر قاسم مشترك كده حد ادنى ارضية واحدة لكل الناس فبقول لك لازم تستبعد واحد ما

تقوليش ده رئيس تحرير جريدة كزا. رئيس تحرير جريدة كزا محطة كزا الفضائية. رئيس اذاعة كزا - 00:19:58
رئيس قطاع الاخبار رئيس القسم السياسي ما ده كله ده شغله كده فانت كده اي واحد بمرتب لو وقف يتكلم عن السياسة او اتكلم
عنها بطريقة تخالف سياسة مؤسسته يترفد - 00:20:17

وانا واحد من دول انا واحد من دول لو انا عملت الصحيفة دلوقتي هيبقى مطلوب مني يا استاذ يا رئيس التحرير لو سمحت انت
مطلوب منك كل يوم الصبح تجيب اه او كل اسبوع تجيب المقال بتاعك عشان ننشره. لو وقفت مقالات - 00:20:32
مش هخرج مرتبي فمضطر اكتب في السياسة مضطر اتناول قضايا وما دام مضطر اتناول قضايا لا يمكن ان المجتمع ابدأ هو ممكن
بقى يقيمني. المجتمع ممكن يقيمني. يقول والله الراجل ده موضوعي. والله الراجل ده منصف. والله الراجل ده مخلص - 00:20:47
مش والله الراجل ده برغم المصالح محترم والله ما فيش مانع. انما الاصل ان انا مش بكتب كده جهادا وطنيا يا شباب يا شباب الثورة
يا شباب مصر يا شباب العرب يا شباب المسلمين ايها الشباب في كل مكان افقهوا افهموا - 00:21:06

ان قيمه يمكن يطلع احسن احسن واحد على فكرة ممكن الصحفي ده او الاعلامي او التلفزيوني ده يطلع احسن واحد بس ده
بالتقييم بقى لما تقراه وتشوفه تلاقيه كده انما الاصل ان ده واحد بيؤدي وظيفة. بيأدي شغلة بيشتري بدلة - 00:21:24
وكرافة وقميص وينزل علشان بيعمل ساعة شكلها ينفع للتليفزيون بيسرح شعره للتليفزيون بيوضب مش عارف ايه رايح يتكلم اذا
ما عملش كده هو بيتكلم في السياسات لانها شغله فلا يجدر بالشباب المحترم المثقف الواعي الخائف على قضيته الوطنية انه يروح
حاطط - 00:21:44

بيعة كلها في ايد هؤلاء. ولزك ولا الصحفيين ولا انا ولا اي سيبك من يعني والله انا لا اقصد احدا انا بتكلم عن المبدأ الثقافي لا
الصحفيين ولا الاعلاميين ولا مقدمي البرامج التلفزيونية ولا اصحاب المحطات الفضائية ولا الباحثين في مراكز الاباحث - 00:22:11
ولا حتى مراكز قياس الرأي العام ولا ولا كل دول مهمين. وفضلاء واجلاء ويطلعوا احسن مني ومنك وما حصولوش وكل شيء انما
مش دول اللي ينفع تسلمهم القضية الوطنية وتقول هم دول اللي بيعملوا لمصلحة البلد هم دول اللي مصممين على مصلحة البلد -
00:22:32

هم دول اللي القضايا الوطنية لا يمكن لان انا ما بفهمش ده بياخد مرتب بيشتغل ده علشان ياخذ مرتب ايضا لازم استبعد تبعه لده اللي
بيشتغل لانه في منصب رسمي. واحد شغلته كده يا اخي. المتحدث الرسمي - 00:22:52
اسمي رئيس الجمهورية المتحدث الرسمي باسم وزير الخارجية المتحدث الرسمي باسم القوات المسلحة المتحدث الرسمي باسم
قسم الشرطة ده لازم يتحدث ويتحدث رسمي ده شغلته يتكلم شغلته يتكلم في السياسة - 00:23:11
ليس نضالا وطنيا ليس كفاحا وطنيا ليس حرصا وطنيا ولكن لان دي شغلته لان ده مرتبه لانه ده منصبه لو ما اتكلمش بكرة هيقولوا
الله فين المتحدث الرئاسة يوم والتاني يترفد ويجي غيره خلاص - 00:23:29

لازم يتحدث تافير سفير مصر في امريكا سفير مصر في انجلترا سفير مصر في آآ جنوب افريقيا. سفير مصر في اثيوبيا سفير مصر
في اي مكان لازم يتكلم في السياسة. ليس لانه مكافح وطني ولا مناضل وطني ولا وطني لأ ولكن لان دي وزيفته - 00:23:47
يطلع احسن من المناضلين الوطنيين دي مش المشكلة. لكن ليس هذا هو من اتمنه على السياسة على النضال السياسي ايضا في
بعض الناس برضو يطلعوا احسن مني ومنك مش ده الموضوع. استاذ علوم سياسية - 00:24:10

شغلته يألف في العلوم السياسية. شغلته يتكلم في العلوم السياسية. شغلته يدرس علوم سياسية. شغلته يقدم مقالاته قارير للمجلات
البحثية العلمية الدوريات العلمية. دي شغلته فما اقدرش اقول لقد هذا الرجل العظيم المجاهد الوطني الا اذا ثبت ده من خلال شغله
دي حاجة تانية انما كمبدأ دول بياخدوا - 00:24:27

وانا نفس الكلام لو اشتغلت كده برضو هبقى كويس جدا وما حصلتش وممتاز بس باخد مرتب طب يعني معنى كده سين وجيم
عشان ازيل الشبهة ان اللي ياخذ مرتب ما يبقاش وطني مين قال الكلام ده؟ انا قلت كده ده انا قلت ده انا تحفزت يجي خمسين مرة
قلت بالعكس - 00:24:55

يشتغل صحفي واعلامي واستاذ جامعة وباحث وياخذ مرتب وكل حاجة ويفضل كويس. بس كمبدأ عام مش ده اللي هو اللي بيناضل للقضية الوطنية الا اذا ثبت انه بيعمل كده. انما مش هو ده الصنف. يبقى ده صنف انا مضطر استبعده الى ان يثبت ان فيهم واحد من المية دول - [00:25:13](#)

او خمسة من الخمسمية دول او كذا هم بينفعوا الصنف الثاني اللي انا مضطر استبعده منهم اي واحد من السياسيين دول بياخذ دعم خارجي من امريكا مثلا او من بلد مش لازم امريكا بالزات عشان ما حدش يقول لي طب من قطر طب من آآ ايران طب مش عارف من آآ - [00:25:33](#)

دعم خارجي اسلامي مدني غير دعم خارجي سياسي يعني ايه سياسي؟ يعني ما هو جايز بيقول لي آآ خد لي حاجة تانية ويستعملها سياسة برضو ممكن. انما دعم خارجي مؤسسات او منظمات - [00:25:57](#)

المجتمع المدني اللي امريكا مثلا تدريبهم ما فيش مانع. ما فيش مانع انا مش بتكلم عن المبدأ انا بس بقول لك ان اللي امريكا بتدفع له فلوس واتمرنوا وتدريبوا وتوديه بدل ما يروح امريكا يروح بلد تانية غير امريكا حنة في الشمال في الشرق عشان ما ما تباش هي - [00:26:13](#)

اه اه توكل دولة تانية بها زي الاسرائيليين اسرائيلين يستخدموا كندا لدرجة ان كندا كانت بتصدر جوازات سفر لرجال المخابرات الامريكية اسف لرجال المخابرات الاسرائيلية. جواز سفر كندي فانت بتتعامل معه على انه شخص كندي - [00:26:34](#)
وانا قطعاً قابلت ناس كتير تابعين للمخابرات الصهيونية قطعاً وانا مش عارفهم. قطعاً وقطعاً جا لي ناس كتير يزاكروني مش فعليزة كلام مش اجهزة مخابرات بتشتغل فالنتيجة ان كل من يتلقى دعماً من الخارج بيدوا لهم دعم ازاى بقى يقول له خد بقى ايه - [00:26:52](#)

الخمسيت الف نص مليون جنيه دول. اعمل بهم ايه؟ اعمل بهم انشطة. اعمل دورات واعمل كتب وكتيبات واعمل نشرات واعمل مؤتمر صحفي واستأجر قاعة فندق واعمل مش عارف ايه وسوي ايه. ليه - [00:27:12](#)
عشان هو معتبره ده الدراع بتاعه اللي ينشر به ثقافة معينة وانا متذكر جيداً وانا مش هزكر عشان بس اللي سامعني دلوقتي ما يقلقش على نفسه اه آآ احدى الجهات - [00:27:27](#)

كانت في سنة وراحت قايلة انا هاخذ اوائل كليات الجامعة وهصنفهم مين اللي ابوه متوفى وامه هي اللي ربته مين اللي ابوه فقير وهو عمل نفسه ومين وعملت لهم شئ رائع يا جماعة زي الاحلام. في عزبة كده ولا مزرعة - [00:27:49](#)
وحفل وفرق فنية واطعمة وناس بيحضنهم وربنا يخليك وبيبارك فيكم وحاجة عزيمة جدا. وهي كل الذي كانت ترمي اليه بعد نفقة كبيرة من الدعم الخارجي انها توصل الى صلة عاطفية بالناس اللي هم بعد شهرين هم معيدين الكليات - [00:28:09](#)
لان اصل المعيد ده هيبقى مدرس مساعد وبعدين هيسافر برة ياخذ دكتوراة في البلاد دي ويتزبط هناك بعضهم طبعاً مش كله ده في ناس بيرجعوا هناك احسن مما ذهبوا بكتير - [00:28:35](#)

يتزبط كويس ويرجع يصبح هو اللي عقول الطلاب بتسمعه وهو النموذج للطلاب. فعشان يقتحموا المجتمع بيصرف مليون واتنين وتلاتة لمين؟ لمنظمات المجتمع الاهلي والمدني وغيره فيبقى انا ما اقدرش حتى لو المنزمات دي احسن منظمات ويمكن انا اعمل منزمة منها. ويمكن اعمل جمعية منها ويمكن اعمل اي شئ منها. انما باختصار - [00:28:45](#)

طار حتى دول حلوين او وحشين مش دول اللي ينفع تسلمهم القضية الوطنية وتقول الحمد لله دول المناضلين الوطنيين اللي مؤتمنين على البلد واللي ممكن يوصلوا او عوا يا شباب او عوا بلاش تدني في الثقافة - [00:29:11](#)

يطلع احسن واحد في الدنيا مناضل وثورى ورمز من شباب الثورة ومش عارف ايه. لكن ما دام بيد ايده يستلم فلوس من خصوم البلد لازم تعرف ان هم لهم مصلحة في هذا - [00:29:26](#)

هو ياخذها ولا ما ياخذهاش دي انما في مصلحة. هي لو امريكا ادت امبارح ميت الف ولقيتها ما حققتش المصلحة هتدفع له تاني وتدفع له تالت وفي بعض المكاتب اللي هي الحقوقية يقول لك حقوق الانسان منظمة حقوق الانسان - [00:29:41](#)

او مكتب حقوق انسان برضو ممتازين وما حصولوش وبيكشفوا تعزيب وبيعملوا كل حاجة. وكم وقفوا في اشياء وبيعتوا ناس انما بيدوا لهم فلوس الحقيقة لا شك ان هذا يعني انا رأيته بعيني يصنعون لهم نفاذية. يعني ينفذ في - [00:29:57](#)

المجتمع بالفلوس دي مكتب فاخر ويعمل دورة ويجيب شباب ويدربهم على دورة على حقوق الانسان فكريا وثقافيا وقانونيا والتعامل مع النيابة ومع القضاء وغيره ويصنع لنفسه ناس وبيكتب في الدفاتر - [00:30:15](#)

الاسماء دي ويبقى عندك المجتمع بس هو جوة المجتمع ده عنده دفتر مكتوب فيه مسلا ثلاث تلاف وميتين واحد دول الناس اللي قدر يوصل لهم ويوصلهم لمناصب وبيدفع فلوس وانت راجل تشتغل طول الشهر عشان تاخذ الف او الفين او ثلاث تلاف هو بيدفع له مسلا مسلا يعني - [00:30:32](#)

عشر تلاف في سبيل القيام بمهمة شريفة هي مهمة سياسية ومهمة حقوقية ومهمة كذا. فالراجل بيشتغل في الكلام ده ويصبح طب هل دول وحشين؟ هل دول عملاء؟ هل دول منحرفين؟ لا. الاجابة لأ - [00:30:52](#)

لا اقصد هذا ولا ارمي اليه. انما اقول بس انه ما دام وجد هذا انه يتحرك والدافع معه. الدافع انه في مبالغ مدفونة له من الخارج. ما اقدرش يا شباب يا ناس يا مثقفين يا واعيين وانت بتصحح ذهنك ما اقدرش اعتبر هذا الصنف من - [00:31:08](#)

الناس ابدأ هو المؤتمن على القضية الوطنية ولا المناضل في سبيلها ولا احمل عليه ولا ابني عليه لاني لو بليت عليه ببني على واحد فيه شركاء متشاكسون فيه ناس من الخارج لهم مصلحة فيه وهذا الكلام يتحقق في صحف ويتحقق في تليفزيونات ويتحقق في -

[00:31:28](#)

مراكز حقوقية ويتحقق فيه كذا بس يا رب شباب الثورة والشباب الصغير اللي سنه تمتاشر وعشرين وخمسة وعشرين وتلاتين وخمسة وتلاتين وغيره وغيره يا رب يقدروا يفهموا ويزاكروا. وزى ما باقول لك الكلام انا باقوله لك كده ولو يطالع غلط نهني بس زي ما باقول لك التنبيه هيبقى على الصفحة اللي هي - [00:31:49](#)

باسمي وليست لان الرسائل هنا آآ ربما آآ يعني ما بتوصلنيش مش ربما ولا حاجة ما بتوصلش هي على الصفحة ان شاء الله مباشرة طبيب يبقى دول ناس كويسين بس ما ينفعش ان زي ايه؟ زي ايه؟ زي الطبيب طبيب محترم ملاك الرحمة - [00:32:09](#)

بروح ادفع له ميت جنيه عشان يعالجني خلاص هو بيعمل شغله كويس جدا بالمية جنيه. انما ما بعتهروش هو مسؤول عن صحتي لاني عايز ابقى مسؤول عن صحتي لما اروح له بقى اروح له مرة - [00:32:31](#)

والثانية بيسموها ايه آآ استشارة وبعدين اروح له تاني ادفع تاني وهكزا طول ما انا بدفع خلاص وتوقفت عن الدفع مش قضيته وصحتي هو قضيته المبلغ اللي بيدخل له. انا ما اقدرش ائتمن على - [00:32:45](#)

الوطنية اللي اللي بياخد من الخارج او بياخد من منصب او بياخد من وزيفة او شيء طبيب وزى ما قلت لكم ده مش قدح في هؤلاء جميعا. انا بس بوصف الحالة - [00:32:59](#)

تالت صنف بقى لازم ما اقدرش اعول عليه. هو الصنف اللي فيه يعني افات افات امراض بشر افات بشر افات اثبتها التاريخ. يعني يعني ايه اثبتها التاريخ يعني المشاهدات انت بتشوف كده - [00:33:14](#)

انت مش مش يعني يعني مثلا واحد نشأ في حي شعبي وفقير لما دخل المدرسة ما شاء الله كان متفوق في الخطابة للصحافة بيطلع الاول بيادوبك بيخطط المش عارف ايه الدمور عشان يروح بيها يحط فيها كتب راجل من كرام الناس الفقراء مهو الفقراء دول فيهم -

[00:33:44](#)

افضل بكتير من الاغنياء ساعات في كرم النفس جدا وكم رأيت هذا وانعم واكرم بقول الشاعر تم طوى الفقر نفوسا لو رعت مرتعا خصبا لصارت جوهر لانه كريم ابي عفيف - [00:34:15](#)

انما الشخص ده اما وصل يدوبك ان هو سنه تمتاشر تسعتاشر سنة وفي الجامعة بيخطب ومسقف وغيره وغيره التقطته القوى العالمية مثلا طبعا ما بالك بقى بالي اكبر من كده تلاتين واربعين وخمسين وستين وسبعين وتمانين. يعني زعماء - [00:34:39](#)

تلتقط القوى العالمية فيلاقي نفسه بيركب طيارة في الدرجة الاولى ويروح للقوى العالمية يقابل الوزير الامريكاني والسفير البريطاني

معتمد الفرنسي والمفوض الهولندي ويذهب الى فنادق العالم والى سفارات العالم والى سلطات العالم - 00:35:02

تبهرة الاضواء ويصبح يزهر في مجلات الصحف والمجلات العالمية ووكالات الانباء العالمية الا تشعر بطبيعة الحال وانا زي ما بقول لك انا وانت ممكن نبقي كده برضه ده مش مش قدح في حد ولا اختيار لحد معين. انما انا بكلمك عن الحس - 00:35:23

وطني انا ائتمن مين على قضيتي الوطنية هذا الشخص تؤثر في هذا لان هو يوم ما هيخالف التكوين العالمية هيطلع من الكلام ده كله يروح يقعد في بيتهم بقى خلاص بقى ما فيش لا لا قابلت السفير الامريكي ولا الوزير البريطاني ولا خلاص روح بقى روح بيتكم رح للحى الشعبى اللي انت قاعد فيه - 00:35:41

مش انت كنت شقة هنا ونقلت الشقة هنا لا مش هتلاقي الفلوس دي. مش هتلاقي الوضع ده هتلاقي الالتقاط العالمى بيوصله الى حالة من الجنان الجنان انا ايه ده انا كت لو رايح لشيخ الحارة - 00:36:04

اقول له امضي لي ورقة عشان رايح القسم للتجنيد يمكن آآ اخد له هدية معي وانا رايح آآ حاجة ياكلها تقول لي تعال قابل الرئيس الامريكي في البيت الابيض وتعال قابل مش عارف مين في قصر اليزيه. وتعال قابل ما اعرفش مين في عشرة داووننج ستريت وعائز - 00:36:19

كده انت بتتكلم عن ايه يا ابني اتكلم عن ايه ده انا ده انا حصل لي جنان ده انا شفت شىء غير طبيعى. انا كنت لما اروح للموزف بتاع الكلية عندنا - 00:36:38

يقول لي امشي يا واد انت اطلع برة انت مش شايفني لسه بفطر المسجل بتاع الكلية تاخدني تدخلني لرئيس الجامعة ولوزير التعليم وبعدين ارجع من برة اقابل سلطات بلدي بالتليفون بمنتهى البساطة - 00:36:50

هذا يحدث انه بيسرق من هو بادئ كويس وصح لكن بيتسرق فبعد شوية خلاص ما يقدرش مش قادر ده شىء جميل جدا طعمه لزيز جدا كمان في شهوة اخرى غير القوى العالمية - 00:37:08

القوى الاعلامية هو ده سهل ان انا اقف كده فلاقي قدامي كده آآ اربعين ميكروفون والتليفون وكالات الانباء والتليفزيونات تتكلم واعمل كده يصوروا ايدي اليمين واعمل كده يصوروا ايدي الشمال واطلع بكرة على غلام - 00:37:25

في التايم جوع وباقي يقعدوا على النيوز ويك واعيش في الدنيا بالشكل ده وبعدين يجيبوني النهاردة في قناة كزا العالمية وبكرة في قناة كزا العربية وبعده في قناة كزا المحلية - 00:37:44

يتروش فتكون النتيجة انه لكي يحافظ على هذا بيحصل درجة من الحوادية الحوادية اللي احنا بنسميها بالعربي الانحراف بيبتيدي يحود يحود يحود طبعاً بعد شوية فتلاقيه يحود خلاص راح رجع ارتد على عقبه اصبح - 00:37:59

هذا الكلام دي مسألة بشرية انسانية ضعف انساني طبيعى طب ده حاجة بقى يعني انت عايز منا ايه؟ عايزك انت بقى يا شباب الثورة يا ايها المواطن العادي يا بشر تبقى بصير مش هو مش دول - 00:38:21

اللي تلقائيا او ببقى مسلم انك تسلم القضية الوطنية لايديهم وانت ساكت لازم تراقب عليهم كان مستقيم امبارح ما بقاش مستقيم النهاردة وارد فبالتالي هذه الافة بتبقى موجودة. في نوع تالت ايضا من الافات غير القوى العالمية والاعلام - 00:38:38

الدخل الداخلى انا امبارح يوم السبت طلعت في ماهرة من كليتي كلية التجارة جامعة القاهرة ولا عين شمس طلع العسكري ورايا وضربني خدني الاسم ولطشني قلمين ومش عارف ايه بعد كده الامن كتب الولد ده فيه خميرة كويسة ممكن يستجيب راحوا لقطينه - 00:39:00

لقاء مع السيد رئيس الجمهورية. فدخل الى القصر الجمهوري واذا بالرئيس ينقله الى مائدة الرئاسة. وانا عايز اقول لك حاجة مهمة جدا. يقعدوا على المائدة كده واحنا شفنا ده في حفلات - 00:39:24

حفلات ان رئيس الجمهورية مش بالضرورة حسني مبارك شخصيا او او بالزات. ممكن حسني مبارك انور السادات جمال عبدالناصر اي سلطة يجيبه تلاقي الفائدة الرئيسية عليها ناس كانوا قبروا كانوا دخلوا القبور. فيه ناس والله يا اخواني - 00:39:38

دخلوا القبور يمكن خمسة وعشرين سنة ربع قرن من الزمان خلاص انتهى وفوجئ بمن بيد تمتد اليه بمرسال صغير في بيته احنا

محتاجين يبقى لك دور آآ ازهق بان فاخذ من - 00:39:55

من بيته ليوضع على مائدة رئيس الدولة وده حصل كتير. وفيهم من بقي عشر سنوات من اربعة وسبعين لاربعة وثمانين او من ثلاثة وسبعين كمان لاربعة اه من اربعة وسبعين لاربعة وثمانين وظن انه لن يعود الى الحياة مرة - 00:40:11

الآخرى واخذ ليكون الشخصية رقم اثنين في الدولة وهناك من كان يوشك توشك المقصلة خلاص هيعدم هيعدم فصدر له عفو وانتطق شوية اصبح مش عارف آآ صاحب سلطة كبيرة. فانا عايز اقول ان ده - 00:40:30

دي لعبة حلوة ان انا بعد ما بقيت لما امشي في الشارع لما اجي اركن عربيتي واحد ما لوش لازمة زي ما بيقلوا يشتمه ويقول له امش وسع ده المكان ده بتاعي لقي نفسه عند رئيس الدولة - 00:40:49

وايه بقى المكنتات تحولت ايه بقى؟ انه بالتليفون يقدر يكلم رئيس الوزراء ويكلم الوزير ويكلم وهو معارضة هو رئيس حزب معارض هو انا نسيت اقول لكم الحكاية دي ان ده بيبقى رئيس حزب معارض - 00:41:03

زعيم وطني معارض اشهد الله ان انا لا اقصد ان ان حد خالص اتكلم عنه ابدا لان الكلام ده يصدق علي زي ما يصدق عليهم. انا بتكلم كثقافة انك مش - 00:41:17

بالضرورة تقول بس ده كنتم رئيس الجمهورية وده هاجم رئيس مش عارف ايه وده دخل ايه وكده ما هو كده. يعني مسلا في عهد جمال عبدالناصر الثورة لما قامت مسكت الشيوعيين حطتهم في السجن. بعد شوية امكن آآ تعديل المواقف بقوا الشيوعيين اركان

الدولة - 00:41:30

الكلام ده مش انا اللي مكتشفه ده في يعني هم الشيوعيين نفسهم يقولوا. يقول لك انا دخلت سجون عبدالناصر سنة كذا وخمسين. في سنة كذا وستين تلاقيه بقى هو الرئيس. هو - 00:41:53

زعيم ايه اللي بيحصل؟ بيحصل؟ برضه حتى في فالمعارضين مش بالضرورة لانه دي فتنة كبيرة جدا. انا كنت معارض يعني ايه؟ يعني مخبر بيكتب في التقرير بتلات تعريف على ورقة بتلات تعريفه وقلم شاربه بعشرة ساغ يكتب تقرير يدخلني السجن عشر سنين

- 00:42:03

الشخص ده فجأة اصبح حاجة غير عادية في الدولة ولا يستطيع لوزير داخلية ولا وزير دفاع ولا وزير اي وزير ان هو يقول له لا في حاجة ويعين قرايبه ويعمل كذا - 00:42:22

فيصبح محسود يقول له يا فندم طب شبيك لبيك اسيب الحزب بتاعي يواجه الحزب بتاع زي يقول له لا ده انا دافع لك ده كله ده انا بعمل لك ده كله لان انا محتاج لك زي ما انت - 00:42:36

انا محتاج لك شكل انا عايز اعمل الاتنين اعمل اللي معي واعمل اللي ضدي اعمل اللي بيناصرني واللي ضدي اللي معه ولزلك اللي ضده ده لو خرج عن الضدية نفس النماذج اللي حكيت لكم عنها دلوقتي - 00:42:49

في من خرج عن الاطار المرسوم انا جايبك عشان تمسل دور المعارض بصورة معينة. خرج عنه اعدم وفيه واحد خرج عنه اترمى برة موجود انما اذا لا استطيع ده بقى غير الهدايا. يعني انتم سمعتم عن الاهرام - 00:43:06

آآ جريدة الاهرام وجريدة الاخبار وجريدة الجمهورية اللي بتدي هدايا للنائب العام ولا تدي هدايا اه السابق يعني طبعا لرئيس الجمهورية لرئيس الوزراء اللي طب بس انت ما سمعتش ان هو ادى ايه كمان - 00:43:28

للمعارضين سواء نائب في البرلمان سواء رخص رخصة مش عارف ايه هيتاجر فيك. انت ما تعرفش الهدايا دي هدايا عادية جدا هدايا بمنتهى البساطة تيسير مصالح آآ ادخاله اقول لك انه بس الاهتمام به بقى مهم - 00:43:43

بس طب الناس دول ما هو دول اومال انت عايزني اعول على مين اذا كان رؤساء الاحزاب والزعماء لا ما فيش حاجة. عول عليهم برضه ان شاء الله بس تراقي هو ده اللي انا عايزه - 00:44:07

الثقافة العامة انه يفضل يراقب مدى السداد ومدى الاتزان ومدى الصواب ومدى الاخلاص مش تاخده كقضية مسلمة ما ينفعش يبقى ده الزعيم اللي ما فيش منه ما ينفعش ما ينفعش احنا كان عندنا - 00:44:18

اكتشفوا ان صدام حسين والقذافي والاسد والناس دول او صدام حسين والقذافي بالزات في الاول بيدفعوا لمصريين معارضين

قوميين وطنيين ما حصولنيشيين. حاجة ما حصلتش يعني بيدفعوا لهم كل واحد عربية مرسيدس - [00:44:34](#)

عربية اخر موديل فاخرة كبيرة بتيجي من المطار او من المنافذ اليه خلصت الجمارك دي هدية لسيادتك من يعني وبأخذها وتصبح

وسيارة وسيارة تانية وتالتة وساعات مرصعة بالالماس وما الى ذلك. ليه؟ ليه - [00:44:58](#)

لي لانه انا عايز زي ما بجيب وزير ومحافظ لازم اجيب رئيس حزب ومعارض وتبقى المعارضة في كلام اهو المعارضة آا الوطنية

الصحيحة الشريفة هل بقى ينفع واحد ياخذ هذا الكلام مني - [00:45:18](#)

ويروح قايل بيقى كل المعارضين وحشين لأ عيب قوي حرام انك تقولني ما لم اقل لم اقصد هذا ابدا وانما انا اقصد ان ده موجود

موجود طبعا فرع منه ايضا نوع اتفاقات الغرف المغلقة انت ما تعرفش تأثيرات علي في الاوضة المقفولة ما تعرفش صلاتي الخفية -

[00:45:35](#)

بعضهم له صلات خفية مش معروفة معروفة خالص ابدا مش معروف ان هو ابن خالة فلان مش معروف ان هو تبع فلان. مش معروف

ان هو مراته ومرات فلان شركاء في شركة سورية باموالهم هم الاتنين - [00:45:56](#)

مش معروف انه عضو في التنظيم الفلاني. مش معروف انه مؤثر عليه من السفارة الفلانية مش معروف انه متصور له فيديو انحرافي

وهو موجود تحت السيطرة. موجود الحاجات دي كلها - [00:46:16](#)

فبالتالي ما لم توجد الرقابة التي طب ده في حاجات بقى كمان مش انحراف خالص في حاجات طبائع انسانية واحد مستشري في

الانتخابات الرئاسية القادمة عايز يترشح للرئاسة واحد مستشر في الانتخابات البرلمانية القادمة وعايز يدخل آا يبقى نائب في

البرلمان - [00:46:30](#)

واحد مستشرف ان هو مش عايز المنافس له يتفوق عليه واحد له اتجاه بيسموه يعني يساري يميني شيوعي ناصري علماني ما

اعرفش مركسي ايا ما كان اسلامي وعايز يخلي الموضوع بتاعه ينتصر فلانم اضرب في خصمي كائنة ما كانت الظروف يطالع حلو

يطالع وحش - [00:46:50](#)

واحد زي ما بنشوف دلوقتي بيقول لك اوعى تسبب فترة استقرار لو خيلنا فترة الاستقرار الفصيل المنافس لها هيستقر ومش هعرف

اطلع تاني ابدا فهضربه على اي حال هضرب فيه على اي حال - [00:47:17](#)

طبعا كل ده موجود فبالتالي ما ينفعش ان انت تضع هذا الكلام موضع الاهمال انت بس تحطو في ذهنك ولكن اوعى تتحول الى انك

شاكك في كل الناس ما ينفعش - [00:47:32](#)

ما ينفعش انما بس انت تقيم صح. طيب سيبك بقى من الانحرافات خالص والكلام اللي مش مزبوط واللي عايز يوصل لمش عارف

لمنزلة واللي عايز يوصل لمنصب في حاجات تانية خالص. حاجات تانية ابسط - [00:47:48](#)

ان هو قاضي سياسي شغلته كل يوم يتكلم. مش لازم يتكلم في حاجة. هو متفرغ للسياسة هو بيدعى السيدة فلانة السياسية. السيد

فلان السياسي. فبيكلموه ايوة يا دكتورة ممكن سيادتك تشرفينا في المؤتمر الفلاني - [00:48:07](#)

تاني؟ ايوة يا دكتور ممكن سيادتك تشرفنا في البرنامج الفلاني فلانم يروح وما دام لازم يروح لازم يتكلم وما دام لازم يتكلم بيقى

لازم فيه حاجة تتقال. فتلاقي كثير من الكلام - [00:48:28](#)

ليس نابعا من انه قضيته النضالية وانما هو نابع من انه لازم يتكلم وخلاص مش بتجني اتكلم ما انا فاضي انا متفرغ انا سياسي انا

اتعودت بقى على المشاغبة السياسية - [00:48:41](#)

على التناول السياسي. خلاص بقى لازم ينزل يروح مزاهرة. لازم ينزل يروح مش معنى كده ان النضال ده غلط. ده ده ضرورة لكن انا

بس بقول لك انه التقييم هو اللي لازم تتعلم هل ده اعتياد؟ على فكرة - [00:48:57](#)

فيهم فيهم فصائل فيهم منظمات او اتجاهات كل اللي تاعبها دلوقتي نفسيا دلوقتي انا بتكلم عن الان كل اللي تاعبها نفسيا لانه ما

بقاش عارف ايه الدور اللي ممكن يعمل - [00:49:12](#)

مش عارف اعمل ايه الاحداس بيعمل ايه؟ ما فيش دور ولازم يبقى لي دور لازم اعمل حاجة لازم اطلع في حته لازم يعني اعمل حاجة لانه شايف انه الزمن هيتجاوزه وهيطلع برة - [00:49:29](#)

ولاظم يفضل موجود في الساحة وهيتقال الله هي منزمة كزا ما بتعملش حاجة ليه؟ هي اتحاد كزا ما بيعملش حاجة ليه؟ هو فين ما عملوش فلازم يعمل حاجة ولزلك تطلع حاجات تضحك - [00:49:45](#)

خالص يعني حاجات احيانا تبقى وحاجات مؤسفة انما هو لابد من عمله هو مش عايز ما هو معقول يبقى بيحصل في البلد كزا وكزا وكزا ومش عارف للشباب المتحد السوري اللي كزا ده المنزمة دي ما عملتش فاعلية في الفعاليات - [00:50:00](#)

هيبقى مش المقصد ان هذه ضرورة ولا ان هذا لابد منه او انه مفيد للاداء. لأ المقصد هو انه مضطر يعمل حاجة والسلام المخوخين والفاضيين دول من اخطر ما يكون لانه في الحقيقة دول بالزات بقى - [00:50:21](#)

ده بالزات عامل زي الطفل اللي ممكن يكسر كوباية لمجرد انه يلفت الانتباه اليه او يقطع حاجة عشان تتغاض منه وتضربه وانت عارف في علوم التربية كم كم درسنا هذا المعنى؟ كم درسناه تدريسا - [00:50:40](#)

انه الطفل احيانا يفعل شيئا انت تبقى محتار في تفسيره لكن هو تفسيره واضح جدا ان هو الوحيد المهمل ده طالع مش عارف ايه في الرياضة وده ايه في ايه في الدراسة وده ايه في الفن وده ايه في المش عارف ايه وهو مهمل خالص - [00:50:56](#)

هو عايز يعمل شئ يعني يصبح به مدار الكلام امه وخالته يتكلموا فيه فالكلام ده لما بيكبر ممكن يبقى الكلام هل معنى كده ان كل اللي بيعمل مظهرة؟ لا بالعكس - [00:51:12](#)

المفروض ان معزمهم ناس وطنيين مخلصين صادقين طيبين انما انا بقول لك كيف تتناول الامور ما ينفعش تحط القضية الوطنية في ايد واحد بيعمل مجرد انه لازم يكون له دور والسلام - [00:51:26](#)

ايها الاخوة انا في الحقيقة آآ يعني الناس اللي هي المشاغبات السياسية دي احيانا بتوصل لمسألة مثل الشعبي اللي بيتكلم عن فتاة اه عقلها ضايع يعني ما هياش اه مش عاقلة ومسكوها طبله فهي قاعدة تخبط على الطبله بلا ايقاع ولا رتم ولا اي شئ خلاص هو ده - [00:51:39](#)

كده واحدة عقلها مش موجود وآآ وبالتالي مش بتصدر مع انه يمكن لو واحد له ذوق فني يعمل نفس بنفس الطبله بنفس العصاية دي يعمل بها كلام يطرب له الناس - [00:52:05](#)

انما هي ما ما عندهاش مخ ولزلك هو ده بقى الافساد السياسي. ده اللي بيحصل من وراه افساد سياسي والحقيقة بيبقى اعدام للموضوعية واعداد لوصول اي نتيجة من اي نوع - [00:52:25](#)

لا اله الا الله يا ربي يعني يعني بالشكل ده طب افرض بقى في واحد ناجي من ده كله يقول لك بص اطلع في الاعلام ما اطلعش في الاعلام اتكلم ما اتكلمش لي دور ما لياش دور انا ما يهمني انا عايز في سبيل وطني. حتى لو تنحيت لمدة عشرة خمستاشر سنة - [00:52:41](#)

وفعلا تلاقه يبعد تماما ينسحب بهدوء الا اذا جاء ما يستدعي فتجده يأتي من اخر الصفوف وياه وبعدين يعود مرة ثانية كذا طيب دول بقى ما لهمش افات لا برضه لهم بقى ساعات الامور الموضوعية. يعني ايه الموضوعية؟ يعني واحد كويس جدا بس عنده عقدة نفسية - [00:53:03](#)

تجاه جزئية واحدة. ما لوش دعوة بالوضع الكلي. هو فيه حاجة معينة هي اللي هو بيدق عليها ما عندوش غيرها فقد يفسد الوضع الكلي علشان حاجة معينة. مثلا واحد بيحب اكلة معينة - [00:53:26](#)

فممكن يفضل بيحب قصدي عنصر معين في الطعام بيحب اه مثل الحبهان بيحب الدقة بيحب الشطة فيظل يحط شطة او يحط حبهان وهو مش واخذ باله ان نسبة الطعام الى بعضها خلاص اصبح مش ممكن ياكله بالشكل ده - [00:53:43](#)

في ناس عندها جزئية معينة ما بيتكلمش غير فيها. ما عندوش غيرها فتلاقه اتكلم فيها ومش واخذ باله انه هيبوز الدنيا كلها واحد عايز حاجة سخنة فهي سخنة مش عايز يحطها في التلاجة. حمضت كلها وبازت - [00:54:01](#)

مع انه لو عاقل انت عايزها سخنة ولكن لابد ان توضع في التلاجة عشان تتلج ولو عايز تسخنها تاني ابقى حطها في اه او يعني على النار او اي حاجة - [00:54:21](#)

خلاص انما هو عايزها سخنة لا يمكن عايزها كده. فتفضل ويمكن يحطها في حاجة تحفظ لها السخونة باستمرار لحد ما اللبن ده يروب او خلاص يتخثر كما نقول في لغة العرب - [00:54:34](#)

التوازن مش موجود واحد تاني لأ هو عنده توازن بس بيقول رأيي بسرعة من غير معلومات كافية عنده نقص في المعلومات شيء محتاج وده صحيح في القرار السياسي على فكرة كتير - [00:54:49](#)

يعني تلاقي حاجة محتاجة مسلا تلتमित معلومة هو ما عندوش التلتمية معلومة ولا تلاتين معلومة ولا تلات معلومات. وبناء عليه ياخذ موقف هو عقليته مش مش قادر يستوعب النقاط كلها - [00:55:07](#)

وبالتالي ده موجود حتى في السياسيين ما اقدرش ابدأ انا يعني آآ يعني يعني اعول عليه واحد ماسك جزئية واحدة وسايب الوضع الكلي وبالتالي لا يمكن ابدأ عقدتنا يا راجل يعني ما عدش في حد في البلد بقى خلاص ينفع - [00:55:22](#)

ولا البسطاء ولا الاغنياء ولا الفقراء ولا الامريكان ولا عملاء الامريكان ولا الانزلة العربية ولا ولا السياسيين ولا ولا مع اني ما قلتش كده. بس انا بقول لك يعني من يبقى - [00:55:43](#)

يبقى ما اقله لكم يا اخواني يبقى فقط شعب طبعا مش شعب كامل بقى الجموع التحتانية من الشعب اللي مش زعماء الشباب الكبار البشر العاديين مجتمع قوي طب ده دول كتير لا مش كتير ده من التسعين مليون - [00:55:57](#)

يمكن ما تلاقيش مسلا غير تلاتين اربعين الف ويبقى تسعة وثمانين مليون وشوية ما بيعملوش. يمكن مليون او نص مليون او ربع مليون لكن هو ده المعول عليه. ناس لواميض الاعلام - [00:56:30](#)

ولا وميض الامريكان ولا وميض الامور وانما الكتلة التحتانية من المجتمع الداخلي النسيج الوعي الادراك متميزين به جدا لدرجة ان القوة المجتمعية لهم وتشاورهم مع بعض ومؤتمراتهم وتدارسهم وسدادهم وبوصلحوا البعض وقلوبهم نظيفة مش مجروحين تجاه حد ما عندوش عقدة لازم اضرب ده ولازم اخلص - [00:56:45](#)

على ده القوة المجتمع دي هي دي البديل الوحيد اللي ممكن يحمي القضية الوطنية الوحيد بس بشرطين فرط الوعي والبصيرة دي انه يبقى فاهم كويس جدا جدا جدا والشرط الثاني - [00:57:16](#)

وهخليهم انا تلات شروط بلازم يقول شرطين خليه تلاتة عشان اقسم الشرط الاولاني زي ما بقول لك الوعي البصيرة انه يبقى فاهم مدرك عارف ماذا يقدم وماذا يؤخر وليه وعي - [00:57:42](#)

والشرط الثاني نضافة القلب نظافة القلوب انه انه طاهر القلب مش علشان متغاض من حد. فيه ناس قلوبهم تقطر كرها على حد تاني. والحد الثاني ده يبقى وحش برضو يستاهل يتكره - [00:57:57](#)

انما يقطر كرها. انما شف الاسلام بيقول لك ايه؟ بيقول ان الرسول حريص على الكافرين مش كده مش الاية بتقول له لعلك مهلك نفسك الا يكونوا مؤمنين. لعلك باخع نفسك - [00:58:16](#)

الا يؤمنوا الا يكونوا مؤمنين او الا يؤمنوا بهذا الحديث اسفا في الاية الاخرى يعني الرسول لما يلاقي الكفار مش بيهتدوا بيقي عليهم حريص عليكم عزيز عليه ما عنتم. اللي بيتعبدكم ده - [00:58:32](#)

بالمؤمنين رؤوف رحيم. ده بالمؤمنين. لكن عموم الناس حرص واني اخاف عليكم كل نبي يقول للكفار اللي في بلده للكفار يقول لهم انا خايف عليكم انتم حبايبي انتم مش حبايبي يعني - [00:58:51](#)

انتم قرايبي انتم يعني لحمي ودمي انتم انتم عيلتي انتم الدم اللي بيجري في عروقي اني اخاف او اذكر اخا عاد اخ اخوهم اخو عد رسول يا ربي اتقول على سيدنا - [00:59:08](#)

كود النبي الرسول من اولي العزم من الرسل آآ النبي الرسول تقول عليه انه اخو الكفرة واذكر اخا عاد والى عاد اخاهم هودا والى ثمود الكفرة اخاهم صالحا والى مدين اخاهم شعيبا - [00:59:26](#)

حريص عليكم. يبقى الوعي والقلب النظيف مش يقول لك لأ اصل ده سلفي اصل ده اخواني اصل ده كذا فبالتالي لا لا اوعى وكم رأينا من انا شفت انا شفت بنفسى - [00:59:46](#)

اجتماع للشباب في اثناء سنة الفين وحداشر من سنتين في اواخرها كده على شهر آا عشرة شهر اكتوبر اجتماع وشاب قال فكرة اعجب بها الجميع بعد ما خلصوا بدأوا يتغامزوا لأ ده فلان ده بتاع كزا مش عارف ايه رفضوا الفكرة في ربع ساعة والشهود اللي كانوا موجودين وكان عندنا - [01:00:05](#)

في المقر يعني في في مقري انا شخصيا وكان الحاضرين حوالي مسلا متين واحد مش حاجة بسيطة في القاعة وموجودين آا يعني آا اه فوجئوا بانه فلان ده قال فكرة اعجبوا بها - [01:00:30](#)

اتضح ان هو كذا خلاص يبقى اول شرط الوعي وتاني شرط نظافة القلب الصدق طهارة ما فيش دنس ما فيش نجاسة ما فيش اني اصلي باخد خمس تلاف جنیه تمن - [01:00:47](#)

ان انا اقعد اقول الكلام ده ما فيش ان انا باقبض هنا علشان بقول الكلام ده في نظافة في طهر في نقاء في انني مبذول لغيري. والشرط الثالث شرط مهم جدا - [01:01:07](#)

الناس دول اللي فيهم الشرطين دول موجودين كتير. في ناس كتير يعني نضاف في القلب وواعيين وفاهمين بس دول اللي هم بيقدوا يتكلموا مع بعض. اللي هو ممكن انت تسميه حزب الكتبة ممكن يقدوا يتفرجوا على التليفزيون ممكن في النادي بعد التمرين ولو - [01:01:25](#)

الامهات قاعدين يستنوا العيال وهم بيخلصوا التمرين مش عارف ايه الشرط الثالث بقى انه اللي عنده وعي ده وعنده قلب نضيف ده انه يبقى بيعمل ببذل بيؤدي مش مثقف قاعد في بيتهم - [01:01:43](#)

مش بيتكلم في التليفون هو وصاحبه بيناقشوا موضوع مش بيخبط على الجهاز لا بيعمل عارفين يا جماعة لو وجد ده والله المجتمع بتاعنا ناس قلبها نضيف فاهمة كويس وبتشتغل لقضيتها ورسالتها - [01:02:04](#)

قضية والرسالة الحقيقية يا سلام وتقوى المجتمع بهذه الصورة البلد تنتقل فورا فورا يعني بجهد تنتقل من جهد العادي لها من العالم الثالث الى انها بلد من بلاد العالم الاول - [01:02:27](#)

اذا تقوى هو ده اللي احنا بنعمله بقى دلوقتي. احنا دلوقتي هو ده اللي بنعمله ان احنا بنجمع هذه الاصناف من الصادقين الطاهرين الطبيين الفاهمين اصحاب البصيرة اللي مستعد يعمل - [01:02:51](#)

علشان نجعل منهم تيار دافق مش طيارة عايز يضرب الايديولوجيات اللي هي مش هو مش تيار متربص لا تيار نظيف ونقي ويعمل يعمل لان احنا مشكلتنا ناس كتير ممتازة وفاهمة بس بيقدوا يتكلموا طول العمر - [01:03:09](#)

انا زمان وانتم يمكن حضراتكم على فكرة انا عايز اقول لكم الكلام ده حصل سنة اه خمسة وتسعين سنة خمسة وتسعين الف تسعمية خمسة وتسعين اول مرة وطبعا مسجلة ومنشورة وكل شئ اول مرة - [01:03:30](#)

لما حصل انه اتزورت الانتخابات البرلمانية بصورة ماحقة بالدخان والغاز المسيل للدموع وبكل سبيل ساعتها قلت لاول مرة سنة خمسة وتسعين فيما اذكر اذا لم تخوني الذاكرة قلت الناس الشعب المصري لو موجود ينزل دلوقتي في الشوارع ويبقى في الشوارع ما يروحش - [01:03:47](#)

اذا عمل كده فيسقط التزوير وستسقط كل النتائج اللي ترتبت عليه كان ده سنة خمسة وتسعين وطبعا عملت مشكلة لانها كان مؤتمر ومسجل وشغلانة كبيرة وقامت فتاة من الصحفيين الموجودين وقالت لي معنى ذلك انك تدعو الى كذا فطبعا ساعتها كانت الدنيا

المفروض اقول لأ وشغلانة يعني كان موضوع كبير - [01:04:15](#)

وموجود ويعني فانا عايز اقول كده انه الشعب اذا وجد الشعب تعب وان شاء الله الاسبوع الجاي اكمل لكم الكلام مش عارف الكلام بيخلصوا ده انا كنت فاكره كله هيخلص في اللقاء اللي فات - [01:04:39](#)

سبحان الله لكن اه على كل حال اذا وجد الشعب ده التقى ان الطاهر نظيف تليم القصد ما عندوش ما بيسعاش لمصالح دنيوية وفي

ذات الوقت عنده البصيرة وفاهم والنضج وغيره - [01:04:55](#)

ونمرة ثلاثة يعمل ومش يعلق مش زي المعلقين اللي قاعدين في المدرجات مش قاعد يدردش مش قاعد يقول هنا ستتغير بالقاعدة الصلبة دي في المجتمع طب والزعماء السياسيين يا استاز - [01:05:15](#)

ايه رأيك فيهم؟ هيفضلوا يفضلوا زعماء. بس هم اللي هيتأثروا. ومعلش هقول لكم حاجة مهمة جدا زمان حصل الكلام ده مرتين. ايوة دي مهم الحمد لله ان انا ما نسيتهش اقولها في سياق اللي ذكرته - [01:05:32](#)

الكلام ده حصل مرتين افتكروه مرة في الاربعينيات كباب النضيف التقى الطاهر المجتمع نفسه لقي الاحزاب بتضرب في بعض بدل ما بيضربوا في الانجليز ويشوفوا فساد المالك ومش عارف ايه - [01:05:47](#)

والدنيا خربانة الاحزاب بيضربوا في بعض عايزين مصالح الوفدي والسعدي والاحرار الدستوريين لقت الدنيا بايزة راحوا سايبينهم من دول كلهم وراحوا عاملين لجنة اسمها لجنة الطلبة ثم رأوا ان يضموا اليهم العمال فاصبحت لجنة الطلبة والعمال - [01:06:03](#)

ولفوا على الاحزاب دي وجمعوهم في صحيح شهور ولا ايام يمكن اسابيع قليلة في قضية معينة عملوا بها عمل عظيم هبقى احكيه لكم تفصيلا بعد كده المعاهدة التي وصلوا اليها - [01:06:21](#)

انما الكلام ده كان احنا عايزين زعماء بس يحسوا بان المجتمع اللي تحتهم مجتمع شديد قياسي فاقه فاهم بصير نظيف مصمم بيعمل ايستقيموهم فوراً والانحرافات اللي انت شايفها دي كلها هتتقشط - [01:06:35](#)

حصلت ثاني مرة امتي واختم بهذا حصلت ثاني مرة وانتتم شفتوها في خمسة وعشرين يناير انه ميدان التحرير الانهمار البشر فيه ما بقاش فيه زعماء يقدر يدي قرار يطلع بالميكروفون يقول للناس خش يمين ولا شمال ولا روحه ولا غيره - [01:06:55](#)

وانا فاكروا اول مرة في في كلماتي في بداية التحرير اقول للناس علينا ان نتحرك من الميدان الى كل مكان. والله الاخ وموجودين ويمكن اقولهم اسم قال لي اوعى تقول كده - [01:07:17](#)

لقد قام السيد فلان زعيم سياسي وقال كده فهاج عليه الميدان وقام فلان فكزا وحضر كزا فقلت له لآ انا اقول بصدقي مش وتكلمت بهذا انه لابد ان يحدث كذا وكذا والتحرك الى المكان الفلاني والمش عارف ايه والفلان لان ساعتها كنا عايزين حكاية مجلس

الشورى ومجلس - [01:07:29](#)

الشعب والتلفزيون وازن الكلمات دي موجودة والله اعلم انما والاتحادية طبعا وغيره فطبعا احنا مع الوقت قلنا اه اه الناس خلاص اصبح قوة المجتمع التحتاني السياسي الشبابي مع انه رموز الشباب دول شف يا اخي والله العزيز حتى الشباب ما كانوا معروفين

قبل كده ابدأ. ولا حد يعرفهم - [01:07:49](#)

اول ما ظهرت رمزيتهم في اسبوعين في الميدان خدوهم قعدوا مع عمر سليمان. شباب ثورة شباب ثورة صبيان وبنات ومفكرين ومثقفين ومش عارف ايه وكده بيبقوا في الميدان تلاقيه بكرة الصبح قاعد مع - [01:08:14](#)

آآ حسني مبارك او اللي من طرف حسني مبارك كده كل دول كل ما حد يروح المجتمع التحتاني يقول ما لناش دعوة مش تبعنا يروحوا ولا ما يروحوش احنا مصممين ارحل - [01:08:31](#)

القوة التحتانية الصادقة الطاهرة المصممة البصيرة الفاهمة الفقهة العاملة المرابطة الموجودة في الميدان ومش راضية تمشي هي اللي خلت اي رموز سياسية او شبابية لا يمكن الا ان تلتزم بهذه القاعدة. هو ده طريقنا. هو ده الوقت اللي بنشتغله الوقتي. هو ده دلوقتي

اللي بنشتغله - [01:08:44](#)

احنا بندور بالملاقات على واحد واحد واحد حتى نجمع هؤلاء الصادقين وان قلوا وان طال الوقت مش مستعجلين لكن وان قلوا او طال الوقت اذا ما تقوى هذا نبلغ ان شاء الله. والله كاني اشعر كاني ما قلتش حاجة. يعني اللقاء اللي فات واللقاء ده - [01:09:07](#)

لان الموضوع لسه لم يكتمل ومضطرين ان احنا نكمل وعلى فكرة احنا مش بندردش ولا بنقول كلام فاحنا بنشتغل دلوقتي دي خطوة خطوة هنفهم ايه المقصود بالزبط؟ فلو سمحتم الكلام ده اذا قدرتوا - [01:09:28](#)

تسمعوه مرة بعد مرة وتذاكروه وتفهموا ما وراء ما بين السطور وما وراء الكلمات وتتعمقوا وتراجعوا وتقولوا وتعيدوا

وتزيدوا اعملوا علشان ما نضعش بين يدي الله اننا فرطنا ونحن اولاً - 01:09:43

اولاً مسلمون ثانياً مسلمون ثالثاً مسلمون ونريد من الله عز وجل ان يكرمنا بفضله وكرمه وبرحمته يا ارحم الراحمين لا توجه لنا الا انت لا توكل الا عليك. لا نبتغي منهاجاً الا منهاجك يا ذا الجلال والاكرام. انت ولينا في الدنيا والاخرة - 01:10:01
نسأل الله عز وجل لنا جميعاً التوفيق والرشاد. وسامحوني ان انا يعني بحمل اعصابكم المزيد لكن اسأل الله ان يجعله حديث خير
شكر الله لكم السلام عليكم ورحمة الله وبركاته - 01:10:23

- 01:10:39